

玉

海

九十三

玉海卷第一百八十九

浚儀王應麟伯厚甫

兵捷

兵捷 露布

魏晉宋齊梁陳爲尙書五兵元魏爲七兵隋唐方
有兵部龍朔改司戎光宅改夏官天寶十一載改
武部 通典後魏攷戰克捷欲天下聞知乃書帛
建於漆竿上名爲露布自此始也後漢鮑昱傳使
封胡降檄昱曰
當司徒露布注檄軍書若今之露布也李雲傳露
布上書注謂不封也又蜀漢露布天下告諭伐魏
文章緣起曰漢賈洪爲馬超伐曹操作魏志注
虞松從司馬宣王征遼東及破賊作露布世說袁

宏倚馬前作露布後魏彭城王勰魏隋文帝開皇中

詔牛弘撰宣露布禮九年平陳元帥晉王以駟上

露布兵部奏請依新禮集百官四方客使等並赴

廣陽門外內吏令宣訖蹈舞者三又拜而罷隋志有雜

露布十二卷雜檄文十七卷魏武帝露布文九卷唐每平寇宣露布其曰

守宮量設羣官次露布至兵部侍郎奉以奏聞集

羣官東朝堂中書令宣布

漢票騎將軍破渾邪王

霍去病傳元狩二年春紀在三月為票騎將軍將萬騎出

隴西有功上曰票騎將軍率戎士隴烏盤討遯濮涉

狐奴歷五王國幾獲單于子轉戰六日過焉支山千
有餘里合短兵鏖臯蘭下殺折蘭王斬盧侯王銳悍
者誅全甲獲醜執渾邪王子及相國都尉捷首虜八
千九百六十級收休屠祭天金人師率減什七益封
去病二千二百戶其夏與合騎侯敖俱出北地去病
至祁連山捕首虜甚多上曰票騎將軍涉鈞耆濟居
延遂臻小月氏攻祁連山揚武乎鱓得得單于單桓
酋涂王及相國都尉以眾降下者二千五百人捷首
虜三萬二百獲五王王母闕氏王子五十九人相國
將軍當戶都尉六十三人師大率減什三益封去病

五千四百戶

去病凡六出擊匈奴孫敖出北地二千餘里過居延斬首虜

紀云夏去病公

三萬餘級秋昆邪王殺休屠王并將其眾降置五屬國

漢大將軍圍單于至闐顏山

武紀元狩四年夏大將軍衛青將四將軍出定襄將

軍去病出代各將五萬騎步軍踵軍後數十萬人青

至幕北圍單于

匈奴伊穉斜單于

斬首萬九千級至闐顏山

乃還

去病與左賢王戰斬首虜七萬餘級封狼居胥山迺還

霍去病傳上與

諸將議曰翁侯趙信為單于畫計常以為漢兵不能

度幕輕留今大發卒其勢必得所欲是歲元狩四年

也春上令大將軍青票騎將軍去病各五萬騎令去

病出代郡令青出定襄郎中令李廣爲前將軍太僕
公孫賀爲左將軍主爵趙食其爲右將軍平陽侯襄
爲後將軍皆屬大將軍趙信爲單于謀曰漢兵卽度
幕人馬罷匈奴可坐收虜耳廼悉遠北其輜重皆以
精兵待幕北而適直青軍出塞千餘里見單于兵陳
而待於是青令武剛車自環爲營而縱五千騎往當
匈奴匈奴亦從萬騎會日入大風起沙礫擊面兩軍
不相見漢益縱左右翼繞單于單于視漢兵多戰而
匈奴不利薄莫單于遂乘六羸壯騎數百直冒漢圍
西北馳去漢軍因發輕騎夜追之青隨其後匈奴兵

亦散走會明行二百餘里不得單于頗捕斬首虜萬餘級遂至賓顏山趙信城前匈奴積粟食軍軍留一日而還悉燒其城餘粟以歸凡斬首虜萬九千級是時匈奴眾失單于十餘日青凡七出擊匈奴匈奴傳是後匈奴遠遁而幕南無王庭單于用趙信計遣使好辭請和親

漢伏波將軍平南粵

南粵王傳興嗣立嬰齊之子元鼎四年漢使諭王入朝興上書願比內諸侯三歲一朝除邊關許之賜丞相呂嘉銀印王欲入朝嘉諫不聽陰謀作亂天子遣韓干

秋將二千人入粵境嘉乃反殺太后王漢使者立建
德爲王以兵擊千秋等滅之而封漢使節至塞上謾
辭謝罪發兵守要害天子令粵人及江淮以南樓船
十萬師往討元鼎五年秋衛尉路博德爲伏波將軍
出桂陽下湟水主爵都尉楊僕爲樓船將軍出豫章
下橫浦故歸義粵侯二人爲戈船下瀨將軍出零陵
下灘水抵蒼梧馳義侯因巴蜀罪人發夜郎兵下牂
柯江咸會番禺六年冬樓船將精卒先陷尋陜破石
門得粵船粟因推而前挫粵鋒以粵數萬人待伏波
伏波道遠後期與樓船會乃有千餘人遂俱進樓船

居前至番禺建德嘉城守會暮樓船攻敗粵人縱火
燒城伏波遣使招降者賜印綬復縱令相招遲旦城
中皆降伏波嘉建德夜與其屬數百人亡入海伏波
問降者知所之遣人追故其校司馬蘇弘得建德爲海
常侯粵郎都稽得嘉爲臨蒼梧王趙光降爲隨桃侯粵桂林
監居翁諭告甌駱四十餘萬口降爲湘城侯粵平以爲九
郡自尉佗王凡五世九十三歲而亡 紀元鼎六年
冬幸緱氏至左邑桐鄉 南粵破改聞喜縣春至汲
新中鄉得呂嘉首呂爲獲嘉縣遂定越地 天官書
越之亡熒惑守斗

漢中郎將平西南夷

武紀元鼎六年春馳義侯遣兵未及下上令征西南

夷平之定西南夷呂爲武都牂柯越雋沈黎文山郡

西夷邛都滇南夷夜郎
紀所書誤且蘭所殺使者即馳義侯

大事紀曰本
元封二年秋

遣將軍郭昌中郎將衛廣發巴蜀兵平西南夷未服

者爲益州郡 傳南粵反上使馳義侯因犍爲發南

夷兵且蘭君恐遠行旁國虜其老弱乃與甘眾反殺

使者及犍爲太守漢乃發巴蜀罪人當擊南粵者八

校尉擊之會粵已破漢八校尉不下中郎將郭昌衛

廣引兵還行誅隔滇道者且蘭斬首數萬遂平南夷

爲牂柯郡夜郎侯多同始倚南粵粵已滅遂入朝誅
邛君殺牂侯冉駝皆震恐請臣置吏以邛都爲粵雋
牂都爲沈黎冉駝爲文山廣漢西白馬爲武都郡使
王然于風諭滇王入朝滇舉國降請置吏入朝以爲
益州郡滇莊
躡後

漢橫海將軍平東粵

通鑑元鼎六年秋東粵王餘善反遣橫海韓說出句
章浮海從東方往樓船楊僕出武林中尉王溫舒出
梅嶺粵侯爲戈船下瀨將軍出若耶漢書作
如邪白沙

閩粵王傳漢五年立無諸爲閩粵王王閩中無諸姓
騶氏初

帥粵人佐建元六年餘善殺王郢自立因立爲東粵
漢擊項籍

王至元鼎五年南粵反餘善請以卒八千從樓船擊
呂嘉等兵至揭陽以海風波爲解持兩端陰使南粵
及漢破番禺樓船將軍僕上書請誅之明年秋餘善
發兵距漢道號將軍騶力等爲吞漢將軍入白沙武
林梅領殺漢三校尉刻武帝璽自立上遣韓說等擊
之元封元年冬咸入東粵樓船軍卒懷終古斬徇北
將軍故粵衍侯吳陽以其邑七百人反攻粵軍於漢
陽及故粵建成侯敖與繇王居股謀俱殺餘善以其
眾降橫海軍詔遷其民江淮遂虛其地

王 海 卷一百八十九
六
漢將軍平西羌

武紀元鼎六年冬十月發隴西天水安定騎士及中尉河南河內卒十萬人遣將軍李息郎中令徐自爲征西羌平之 後傳先零羌與匈奴通合兵十餘萬攻令居圍枹罕息自爲擊平之始置護羌校尉羌乃去湟中依西海鹽池

漢匈奴將軍虜樓蘭王

表元封三年趙破奴以匈奴河將軍擊樓蘭封浞野侯 大事紀元封元年冬十月遣破奴擊西域虜樓蘭車師王解按大宛傳自博望侯開外國道而樓蘭姑

師

師即車

當空道攻劫漢使王恢等匈奴奇兵時時遮

擊使西國者使者爭言兵弱易擊天子遣從票侯破

奴將屬國騎及郡兵數萬至匈奴河水欲擊胡胡皆去

通鑑載於元
鼎六年秋

其明年擊姑師破奴與輕騎七百餘先

至虜樓蘭王遂破姑師中郎將王恢捕得其王因暴

兵威動大宛烏孫之屬於是酒泉列亭鄣至玉門矣

通鑑據破奴封侯之
歲載於元封三年

漢左將軍荀彘滅朝鮮

傳朝鮮王滿燕人盧綰反滿聚黨千餘人椎結夷服

度沮水居上下障都玉險惠高后時遼東太守約滿

爲外臣至孫右渠誘亡人滋多未嘗入見眞番辰國
欲上書見天子又雍闕弗通元封二年漢使涉何譙
諭右渠不奉詔拜何遼東東部都尉朝鮮襲殺何四月
乃募罪人擊之秋遣樓船將軍楊僕從齊浮渤海兵
五萬荀彘出遼東誅右渠兩將未有利使衛山因兵
威往諭右渠見信節請服疑不度沮水三年夏尼谿
相參使人殺王右渠來降定爲四郡時星弗於河戒

漢拔胡將軍擊昆明

紀元封六年春益州昆明反赦京師亡命令從軍遣
拔胡將軍郭昌將呂擊之斬首數十萬

漢貳師將軍誅宛王

武紀太初元年秋八月遣貳師將軍李廣利發天下

謫民西征大宛四年春貳師將軍廣利斬大宛王首

獲汗血馬來作西極天馬之歌

劉向曰封拜兩侯三卿二千石百有餘人

李廣利傳太初元年發屬國六千騎及郡國惡少

年數萬人伐宛期至貳師城取善馬故號貳師將軍

故浩侯王恢使道軍旣西過鹽水當道小國各堅城

守不肯給食攻之不能下下者得食不下者數日則

去比至郁成士有數千皆飢罷攻郁成城郁成距之

所殺傷甚眾貳師將軍與左右計至郁成尙不能舉

況至其王都乎引而還往來二歲至敦煌士不過什
一二使使上書言道遠多乏食士卒不患戰而患飢
人少不足以拔宛願且罷兵益發而復往天子聞之
大怒使使遮玉門關曰軍有敢入斬之貳師恐因留
屯敦煌其夏發惡少年及邊騎出敦煌六萬人益發
戍甲卒十八萬而發天下七科適及載糒給貳師而
拜習馬者二人爲執驅馬校尉備破宛擇取其善馬
云於是貳師復行至輪臺屠之至宛城兵到者三萬
宛兵迎擊漢兵漢兵敗之宛入保其城攻之四十餘
日宛貴人謀曰王母寡匿善馬殺漢使今殺王而出